



Inatsisartunut ilaasortaq Jørgen Rosbach
Demokraatit

§ 37 naapertorlugu apeqqummut nr. 126/2025-mut akissut

Brevdato: 07-08-2025
Sagsnr. 2025 - 15960

Apeqqutitut ataaniittunut akissut matumuuna nassiunneqarpoq

- 1. Naalakkersuisut qanoq ilillutik qulakkeerniarpaat, nunanit allaniit sulisitat suliffeqarfiillu, piffissami sivikitsuinnarmi (ullut 183-it ataallugit) Kalaallit Nunaanni sulisartut, nalunaarsorneqarneri eqqortumillu nalilersorneqarneri akileraartussaataaneq tunngavigalugu malittarisassat atuuttut marloriaammik akileraartarnermut isumaqatigiissutitut tunngatillugu?**

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Akissut:

§ 37 naapertorlugu apeqqummut 62/2025-mut akissut innersuussutigalugu, Akileraartarnermut Aqutsisoqarfik avataani sulisitsisunik ingerlaavartumik misissuisarpoq, nunatsinnilu tamarmi sulisitsisunut suliffinnullu pulaartarluni. Inuussutissarsiutini tamani nunalu tamakkerlugu sulisitsisunik misissuisoqartarpoq.

Takornariaqarnermik inuussutissarsiuteqarneq immikkut isigalugu, takornariaqarneq pillugu inatsit nutaaq, takornariartitsineramik ingerlatsinermut 1. januar 2027-mit akuersissuteqarnissamut, arlalinnik piumasaqaateqarpoq, tassani Kalaallit Nunaannut tamakkiisumik akileraartussaataanissaq piumasaqaatit ilagivaat.

Akileraartarnermut Aqutsisoqarfiup inuussutissarsiutit immikkoortuinut, sumiiffinnut siunertanullu aalajangersimasunut tunngatillugu misissuisarnerminik annertunerusumik nassuiaasinnaangilaq. Akileraartarnermut Aqutsisoqarfiup misissuisarnera, aarlerinarsinnaasunik nalilersuineq, ingerlaavartumik nalilersuisarneq pingaarnersiui nerlu tunngavigalugit ingerlanneqartarpoq.

Akileraartarnermi misissuisarnerup ataatsimut isigalugu pitsanngortinnissaa siunertaralugu akileraartarnermi kukkunersuiisunik amerlanerusunik atorfinitsisinissamut aningaasanik 2026-mut aningaasanut inatsisissatut siunnersuummi immikkoortitsisoqarpoq.

- 2. Naalakkersuisut isumaliuutigisimanerlugu nakkutilliisuutitanik pilersitsigallarnissaq imaluunniat attanneqartussanik pilersitsinissaq, soorlu assersuutigalugu suliffissat nalliuteruttorfiini sukumiisumik sulisartussamik, suliaqarfinni takornariartitsinermi sanaartormer milu nalunaarsuiner mik akileraarnermullu akiliutitut nakkutilliisussamik?**

Akissut:

Apeqqummut 1-imut akissut takujuk.

- 3. Naalakkersuisut nalilersorsimanerlugu takornarianut akitsuummik eqqussisinnanissaq imaluunniit nunanit allanit suliaartortunut immikkut pisinnaatitsissummik eqqussisinnanissaq , marloriaammik isumaqatigiissutip Kalaallit Nunaanni akileraartussaataitanerup killilersorneranut taarsiissutitut?**

Akissut:

Naamik.

Unnuinermut akitsuut, takornariaqarnermut akitsuutitut isigineqarsinnaasoq, 1. januar 2026-mit atuutilersinneqassaaq. Kisianni unnuinermut akitsuut qulaaniittoq eqqarsaatigalugu atuutilersinneqanngilaq.

- 4. Naalakkersuisut suliniutinik aallartitsisimanerpat nunanit allaniit suliaartortut digitalimik nalunaarsortarnissaannut, soorlu assersuutigalugu nunatsinnut tikinneranni imaluunniit illumik inniminniineranni, akileraarutitigut nakkutilliinerunissaq siunertaralugu?**

Akissut:

Inatsisartut sulisunik atukkiussinnermi nalunaaruteqartussaataaneq pillugu malittarisassat nutaat UKA2024-mi akueraat. Malittarisassat suliffeqarfiit nunani allani suliffeqarfinnut sulisunik atukkiussineq pillugu isumaqatigiissuteqartut tamanna pillugu Akileraartarnermut Aqutsisoqarfinnut nalunaaruteqartarnissaannik kinguneqarpoq. Tamanna misissuisarnermut tunngatillugu, aammali sulisunut nunanit allaneersunut tunngatillugu, aarlerinarsinnaasunik pingaarnerusumik nalilersuineranut Akileraartarnermut Aqutsisoqarfiup atortussaatur pitsaasutut nalilerneqarpoq.

- 5. Naalakkersuisut isumaliuutiginerlugu Danmarkimut isumaqatigiinninnarnissaq marloriaammik akileraarnermut isumaqatigiissutip artikel 15 tulluussarnissaanut, taamaasilluni Kalaallit Nunaat pitsaarnerusumik periarfissinneqassammat nunanit allanit sulisitanut akileraarusuinissamut, pingaartumik pisortanit taperneqartunit imaluunniit attaveqaasersuineranut tunngassuteqartunik suliffeqarfinni?**

Akissut:

Naalakkersuisut Danmarkimut taamatut isumaqatigiinninnarnissap aallartinnissaanik maannakkut isumaliuteqanngillat. Artikili 15-ip OECD-mi periutsit pillugit isumaqatigiissutaani aalajangersakkat ataatsimut isigalugu assigai. OECD-mi periutsit pillugit isumaqatigiissummi ataatsimut malittarisassat nassuiaatillu nunat marloqiusamik akileraarusiinissap pinngitsoortinnissaanut akileraarutinillu akiliinngitsoornissap pinngitsoortinnissaanut atorsinnaasat aalajangersarneqarput. Siunertat tassaapput siumut naatsorsuuteqartitsilernissaq, inatsisigut illersugaanissaq nunallu killeqarfii akimorlugit assigiaartumik akileraaruteqartitsinissaq.

Oqaatigissallugu pingaaruteqarpoq, marloqiusamik akileraartarneq pillugu
isumaqatigiissutit illugiittunut atuuttut, taamaammallu aalajangersagaq inunnut Kalaallit
Nunaanni najugaqartunut Danmarkimi suliaqartunut aamma atuuppoq.

Inussiarnersumik inuulluaqqusillunga



Múte B. Egede